



14.02.2025-h  
U 13/40  
Edina Huseynovic  
16  
153  
PB.143

Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry for Science, Higher Education and Youth

Broj: 27-01/2-04-55454-39/25  
Sarajevo, 11.2.2025. godine

**SKUPŠTINA KANTONA SARAJEVO**  
**n/r predsjedavajućeg Skupštine**  
- Ovdje -

**PREDMET:** Odgovor na zastupničko pitanje zastupnika u Skupštini Kantona Sarajevo Jelene Pekić, Belme Kapo i Samira Avdića, *dostavlja se*  
- Veza Vaš akt, broj:01-04-55454-39/24 od 28.1.2025. godine –

U okviru 19. radne sjednice Skupštine Kantona Sarajevo, a u skladu sa čl. 211. i 214. Poslovnika Skupštine Kantona Sarajevo, zastupnici u Skupštini Kantona Sarajevo Jelena Pekić, Belma Kapo i Samir Avdić postavili su zastupničko pitanje koje su dostavili u pisanoj formi predsjedavajućem Skupštine Kantona Sarajevo, kako bi isto bilo dostavljeno Ministarstvu za nauku, visoko obrazovanje i mlade Kantona Sarajevo.

Zastupnici su predmetna pitanja postavili uzimajući u obzir činjenice iznesene u Odgovoru na zastupničko pitanje, broj:27-01/2-04-55454-16/25, posebno imajući u vidu izrazito visok iznos novčanih sredstava isplaćen za rad Interresorne radne grupe te činjenicu da je zadatak Radne grupe samo djelimično obavljen.

Ovim putem dostavljamo odgovore na zastupničko pitanje kako slijedi:

**PITANJE br.1:**

„ Ko su članovi Interresorne radne grupe, te koliki broj članova Interresorne radne grupe je do imenovanja imao iskustvo u izradi zakonskih propisa?“

**ODGOVOR:**

Interresorna radna grupa za analizu i izradu zakonskih propisa u oblasti visokog obrazovanja imenovana je Rješenjem broj: 02-04-2700-38/24 od 1.2.2024. godine, a njen sastav je dopunjen Rješenjem broj: 02-04-28640-26/24 od 16.5.2024. godine.

Članovi Interresorne radne grupe imenovane Rješenjem broj: 02-04-2700-38/24 od 1.2.2024.godine su:

1. Akademik Asif Šabanović, Akademija nauka i umjetnosti BiH-predsjednik Radne gupe
2. Akademik Miloš Trifković, Akademija nauka i umjetnosti BiH-član radne grupe
3. Prof.dr. Maja Arslanagić-Kalajdžić, Centar za istraživanje i razvoj Univerziteta u Sarajevu- članica Radne grupe



4. Prof.dr. Aida Kulo-Ćesić, Univerzitet u Sarajevu-Medicinski fakultete-članica Radne grupe
  5. Prof. dr. Naida Ademović, Univerzitet u Sarajevu-Građevinski fakultet-članica Radne grupe
  6. Prof.dr. Anja Haverić, Univerzitet u Sarajevu-Građevinski fakultet-članica Radne grupe
  7. Prof.dr. Muhamed Hadžiabdić, Internacionalni univerzitet u Sarajevu-član Radne grupe
  8. Prof.dr. Refik Šećibović, Udruženje poslodavaca Kantona Sarajevo-član Radne grupe
  9. Prof.dr. Tamer Bego, Univerzitet u Sarajevu-Farmaceutski fakultet-član Radne grupe
  10. Prof.dr. Selma Hanjalić, Univerzitet u Sarajevu-Elektrotehnički fakultet-članica Radne grupe
  11. Doc.dr. Dušan Ćulum, Univerzitet u Sarajevu-Prirodno matematički fakultet-član Radne grupe
  12. Mr.sci. Azemina Njuhović, Ministarstvo za nauku, visoko obrazovanje i mlade Kantona Sarajevo-članica Radne grupe
  13. Elvira Šuta, Ministarstvo za nauku, visoko obrazovanje i mlade Kantona Sarajevo,-članica Radne grupe
  14. Dženita Viteškić, Ministarstvo za nauku, visoko obrazovanje i mlade Kantona Sarajevo-članica Radne grupe
  15. Dalila Hakalović, Kantonalna uprava za inspeksijske poslove Kantona Sarajevo- članica Radne grupe
- Za obavljanje administrativno-tehničkih poslova zadužena je Senija Džino.

Rješenjem broj: 02-04-28640-26/24 od 16.5.2024.gododine imenovani su novi članovi Interresorne radne grupe i to:

16. Prof.dr. Kenan Šljivo, Univerzitet u Sarajevu, Filozofski fakultet-član Radne grupe
17. Umihana Mahmić, Sindikat Univerziteta u Sarajevu-članica Radne grupe

Članovi Interresorne radne grupe dolaze iz različitih akademskih, naučnih, privrednih i institucionalnih sektora. Među njima su predstavnici akademske zajednice, univerzitetskih istraživačkih centara, poslodavačkih udruženja, sindikata, inspeksijskih organa i resornog ministarstva. Većina članova grupe imala je iskustvo u izradi zakonskih propisa prije imenovanja, dok su ostali članovi eksperti iz svojih oblasti s dugogodišnjim iskustvom u visokom obrazovanju, naučnoistraživačkom radu i primjeni propisa u praksi.

Detaljan sastav i nadležnosti Interresorne radne grupe dostupni su u Službenim novinama Kantona Sarajevo.

#### **PITANJE br.2:**

„ Da li je zadatak Interresorne radne grupe imenovane Rješenjem Vlade od 1.2.2024. godine podrazumijevao analizu važećeg zakonskog okvira, identifikaciju problema i analizu međunarodnih praksi u cilju pripreme sačinjavanja izmjena i dopuna Zakona o visokom obrazovanju i Zakona o naučnoistraživačkoj djelatnosti KS, a ukoliko nije, na koji način je Interresorna radna grupa pripremila i predložila izmjene i dopune Zakona o naučnoistraživačkoj djelatnosti?“

#### **ODGOVOR:**

Rješenjem Vlade Kantona Sarajevo, broj: 27-01/2-04-55454-16/24 od 1.2.2024. godine, utvrđeni su zadaci Interresorne Radne grupe za izradu teksta Nacrta Zakona o izmjenama i dopunama Zakona o visokom obrazovanju Kantona Sarajevo i teksta nacrta Zakona o izmjenama i dopunama Zakona o naučnoistraživačkoj djelatnosti Kantona Sarajevo.

U proteklom periodu Ministarstvo za nauku, visoko obrazovanje i mlade Kantona Sarajevo je pripremlilo više strateških dokumenata kojim su, između ostalog detektovani problemi i nedostaci u važećem Zakonu o naučnoistraživačkoj djelatnosti koji je donesen 2016. godine. Jedan od dokumenata je i Strategija za razvoj nauke Kantona Sarajevo čijoj su izradi prethodili prethodili



dokumenti: Procjena uticaja programa podrške na istraživanje i razvoj u Kantonu Sarajevo (RIA) i Situaciona analiza.

U naprijed navedenim dokumentima razmatran je kvalitet, efektivnost i efikasnost programa podrške nauci, njihov uticaj na unapređenje nauke, istraživanja, razvoja i inovacija u Kantonu Sarajevo, date preporuke koje uključuju strateško definiranje prioriteta, poboljšanje kriterija evaluacije naučnoistraživačke djelatnosti, podrška jačanju međunarodne saradnje i multidisciplinarnim pristupima te povećanje ulaganja u istraživanje i razvoj.

U cilju poboljšanja i harmonizacije važećeg Zakona o naučnoistraživačkoj djelatnosti sa europskim smjernicama i primjerima dobre prakse i inovativnim zakonskim rješenjima zemalja regiona i šire kao i oblastima koje su u fokusu razvijenih zemalja a tiču se razvoja i unapređenja nauke, istraživanja i inovacija, Ministarstvo je utvrdilo potrebu za izmjenama i dopunama Zakona o naučnoistraživačkoj djelatnosti. Prilikom pripreme praćene su europske smjernice i UNESCO preporuke o nauci i globalnim trendovima.

Ministarstvo za nauku, visoko obrazovanje i mlade Kantona Sarajevo ključnim smatra donošenje progresivnih rješenja, orjentisanih ka izvrsnosti a koja su sadržana u Nacrtu Zakona o izmjenama i dopunama Zakona o naučnoistraživačkoj djelatnosti.

**PITANJE br. 3:** " Da li su članovi Interresorne radne grupe u procesu pripreme Nacrta zakona o naučnoistraživačkoj djelatnosti, koji je trenutno javno dostupan u formi Prednacrt, koristili tekst Nacrta zakona o izmjenama i dopunama zakona o naučnoistraživačkoj djelatnosti koji je pripremila Radna grupa imenovana Rješenjem ministricice Aleksandre Nikolić, Vaš broj: 27-02-35-2806/22 od 14.2.2022. godine?"

#### **ODGOVOR:**

S obzirom na cjelokupan proces i kompleksnost izrade dokumenta Nacrta Zakona o izmjena i dopunama Zakona o naučnoistraživačkoj djelatnosti, Interresorna Radna grupa je u prvoj fazi svog rada i postupka izrade predmetnog nacrt, uzela u razmatranje tekst nacrt Zakona o izmjenama i dopunama Zakona o naučnoistraživačkoj djelatnosti koji je pripremila i Ministarstvu dostavila Ekspertna radna grupa za analizu zakonskih rješenja u naučnoistraživačkoj/umjetničkoistraživačkoj oblasti u Kantonu Sarajevo i izradu teksta prijedloga poboljšanja i harmonizacije sa evropskim smjernicama i UNESCO preporukama o nauci, te je ovaj dokument bio polazna osnova za dalja unapređenja i poboljšanja u cilju iznalaženja efikasnijih rješenja koja će omogućiti bolju integraciju napora društva i subjekata naučnoistraživačke djelatnosti u uspostavljanju koherentnog naučnoinovacionog prostora.

U narednoj fazi Interresorna radna grupa uzela je u razmatranje, pored naprijed navedenog i druge strateške dokumente te je u skladu sa ustavnim osnovom za donošenje izmjena i dopuna zakona, pripremila Nacrt Zakona o izmjenama i dopunama Zakona o naučnoistraživačkoj djelatnosti te je isti u formi prednacrt javno dostupan zainteresovanim građanima, institucijama i pojedincima na web stranici Ministarstva za nauku, visoko obrazovanje i mlade Kantona Sarajevo s ciljem dobivanja povratnih informacija i mišljenja u vezi sa predmetnim prednacrtom.

**PITANJE br. 4 :** " Koje su razlike između predloženog Prednacrt koji je sačinila Interresorna radna grupa i ranije sačinjenog Nacrta zakona o izmjenama i dopunama zakona o naučnoistraživačkoj djelatnosti iz 2022. godine?"

#### **ODGOVOR:**

Rješenjem Ministarstva za nauku, visoko obrazovanje i mlade Kantona Sarajevo, broj: 27-02-35-2806/22 od 14.2.2022. godine, imenovana je Ekspertna radna grupa za analizu zakonskih rješenja u



naučnoistraživačkoj/umjetničkoistraživačkoj oblasti u Kantonu Sarajevo i izradu teksta prijedloga poboljšanja i harmonizacije sa europskim smjernicama i UNESCO preporukama o nauci.

S tim u vezi, prilikom izrade Nacrta Zakona o izmjenama i dopunama Zakona o naučnoistraživačkoj djelatnosti, Interresorna Radna grupa je imala na raspolaganju i koristila navedeni materijal, te Vam u prilogu odgovora dostavljamo uporedni pregled Zakona o naučnoistraživačkoj djelatnosti („Službene novine Kantona sarajevo, broj: 26/16), Izmjene i dopune Zakona o naučnoistraživačkoj djelatnosti koje je pripremila Ekspertna radna grupa za analizu zakonskih rješenja u naučnoistraživačkoj/umjetničkoistraživačkoj oblasti u Kantonu Sarajevo i izradu teksta prijedloga poboljšanja i harmonizacije sa europskim smjernicama i UNESCO preporukama o nauci, imenovana Rješenjem ministrice za nauku, visoko obrazovanje i mlade Kantona Sarajevo, broj: 27-02-35-2806/22 od 14.2.2022. godine te Nacrt Zakona o izmjenama i dopunama Zakona o naučnoistraživačkoj djelatnosti koje je pripremila Interresorna Radna grupa, imenovana Rješenjem Vlade Kantona Sarajevo, broj: 27-01/2-04-55454-16/24 od 1.2.2024. godine („Službene novine Kantona Sarajevo“, broj: 6/24).

**PITANJE br. 5 :** " Ko su članovi manje Radne grupe za analizu važećeg Zakona o visokom obrazovanju, koliko članova te Radne grupe su pravnici i imaju li iskustvo u ex ante i ex post analizi zakonskih propisa?"

**ODGOVOR:**

Manja Radna grupa za analizu važećeg Zakona o visokom obrazovanju imenovana je u skladu sa Odlukom o načinu obrazovanja i utvrđivanja visine naknade za rad radnih tijela koje obrazuje Vlada Kantona Sarajevo i rukovodioci kantonalnih organa državne službe (“Službene novine Kantona Sarajevo”, broj: 18/20).Navedena odluka ne propisuje posebne kriterije koje bi članovi morali ispunjavati da bi bili imenovani u radnu grupu. Članovi su izabrani na osnovu svojih stručnih kvalifikacija iz relevantnih oblasti, a njihov zadatak je analiza postojećeg zakonskog okvira i predlaganje eventualnih poboljšanja. Radna grupa broji ukupno sedam članova. Pojedini članovi posjeduju iskustvo u analizi zakonskih propisa, uključujući ex ante i ex post analize, u zavisnosti od njihovih profesionalnih angažmana.

S poštovanjem,



Dostaviti:

- Naslovu;

Stručnoj službi Vlade Kantona Sarajevo

- a/a.

